

Početna / Vijesti / Brčko / Policija Brčko distrikta BiH: Pregled značajnih sigurnosnih događaja u periodu od 14.8. do 17.08.2026.

Brčko Vijesti

U trendingu

Policija Brčko distrikta BiH: Pregled značajnih sigurnosnih događaja u periodu od 14.8. do 17.08.2026.

Redakcija prije 3 sata

0 104 3 minutes read



U periodu od 14. avgusta 2026. godine od 06.00 sati do 17. avgusta 2026. godine do 06.00 sati, na području Brčko distrikta Bosne i Hercegovine zabilježen je niz sigurnosno relevantnih događaja iz oblasti kriminaliteta, javnog reda i mira i saobraćaja.

- 5 krivičnih djela
- 3 narušavanja javnog reda i mira
- 3 saobraćajne nezgode
- 11 vozača i vozila isključeno iz saobraćaja
- Akcija „Potok”: pronađeno 14 stabljika indijske konoplje, materija koja asocira na kokain, dvije digitalne vage, dva pištolja i municija; dva lica lišena slobode.
- Među isključenim vozačima bilo je sedam alkoholisanih i tri koja su vozila prije sticanja prava na upravljanje.
- Jednom višestrukom povratniku oduzeto je vozilo; utvrđen mu je dug od 4.738 KM po osnovu neplaćenih kazni.

KRIMINALITET:

U periodu vikenda na prostoru Brčko distrikta BiH u oblasti kriminaliteta zabilježeno je pet krivičnih djela i to dva krivična djela “Oštećenje tuđe stvari” iz člana 287., jedno krivično djelo “Krađa” iz člana 280., jedno krivično djelo “Neovlaštena proizvodnja i stavljanje u promet opojnih droga” iz člana 232. Krivičnog zakona Brčko distrikta BiH i jedno krivično djelo “Neovlaštena nabavka, držanje oružja ili prodaja oružja ili bitnih dijelova za oružje” iz člana 65. Zakona o oružju i municiji Brčko distrikta BiH.

U okviru jednog od pomenutih događaja Policija je zajedničkim aktivnostima sa pripadnicima MUP-a Republike Srpske, PU Bijeljina, dana 15.08.2026. godine sprovela operativnu akciju kodnog naziva “Potok” kojom prilikom je izvršeno pretresanje jednog vozila, dva lica, kao i kuće i stana koju isti koriste, pri čemu je pronađeno i privremeno oduzeto 14 stabljika indijske konoplje, pribor za uzgoj indijske konoplje, jedan PVC paketić bijele boje u kojem se nalazi NN bijela praškasta materija koja svojim izgledom asocira na opojnu drogu „Kokain”, dvije digitalne vage, dva pištolja marke „CZ Crvena zastava”, dva okvira za pištoljsku municiju, kalibra 7,65mm sa pripadajućom municijom i druge predmete koji se dovode u vezu sa izvršenjem krivičnog djela. O svemu gore navedenom upoznat je dežurni tužilac Tužilaštva Brčko distrikta BiH. Nakon kriminalističke obrade lica rođena 2001. i 1998. godine iz Brčkog su lišeni slobode zbog osnova sumnje da jedno lice počinilo dva krivična djela i to krivično djelo “Neovlaštena proizvodnja i stavljanje u promet opojnih droga” iz člana 232. KZ BD BiH i „Neovlaštena nabavka, držanje oružja ili prodaja oružja ili bitnih dijelova za oružje” iz člana 65. Zakona o oružju i municiji BD BiH, dok je drugo lice počinilo krivično djelo “Neovlaštena proizvodnja i stavljanje u promet opojnih droga” iz člana 232. KZ BD BiH.

JAVNI RED I MIR:

U izvještajnom periodu zabilježena su tri događaja narušavanja javnog reda i mira u okviru kojih je jedno lice rođeno 1990. godine, nastanjeno u Brčkom, lišeno slobode zbog počinjenih prekršaja iz člana 4. “Drsko ponašanje” i člana 8. “Ometanje vršenja službenih poslova i zadataka” Zakona o javnom redu i miru Brčko distrikta BiH, jednom licu rođenom 2007. godine iz Brčkog je uručen prekršajni nalog zbog počinjenog prekršaja iz člana 4. “Drsko ponašanje” Zakona o javnom redu i miru Brčko distrikta BiH, za dva lica nastanjena u Brčkom rođena 1971. i 1985. godine uručeni su prekršajni nalozi zbog počinjenh prekršaja iz člana 6. “Posebno drsko ponašanje” i člana 8. “Ometanje vršenja službenih poslova i zadataka” Zakona o javnom redu i miru Brčko distrikta BiH, dok će Osnovnom sudu Brčko distrikta BiH protiv lica rođenih 2000 i 1985. godine nastanjenih u Brčkom biti podnesen zahtjev za pokretanje prekršajnog postupka zbog počinjenog prekršaja iz člana 5. “Učestvovanje i izazivanje tuče” Zakona o javnom redu i miru Brčko distrikta BiH.

SAOBRAĆAJ:

Tokom navedenog perioda zabilježeno su tri saobraćajne nezgode.

Policijski službenici Policije Brčko distrikta BiH su prilikom kontrole vozača i vozila isključili ukupno 11 vozača i vozila. Od toga sedam vozača je isključeno zbog upravljanja motornim vozilom pod dejstvom alkohola, tri vozača jer su vozilima upravljali prije sticanja prava na upravljanje i jednog vozača koji nije posjedovao potvrdu o poznavanju propisa iz oblasti saobraćaja.

OSTALO:

Od ostalih događaja izdvajamo jedan događaj od dana 15.08.2026. godine kada su policijski službenici u 22:30 sati tokom redovnih poslova i zadataka na gradskom području izvršili kontrolu vozača motornog vozila “Golf”, rođenog 1975. godine u Brčkom , te utvrdili da isti vozilom upravlja prije sticanja prava na upravljanje. Izvršenom provjerom u registru neplaćenih novčanih kazni utvrđeno je da ima dug u iznosu 4.738,00 KM. S obzirom na to da se radi o višestrukom povratniku u izvršenju prekršaja iz oblasti bezbjednosti saobraćaja, a u skladu sa članom 20. stavovi (1) i (2) Zakona o prekršajima Brčko distrikta BiH, privremeno mu je oduzeto motorno vozilo i deponovano u depozit Policije.

Podijeli Facebook, X, LinkedIn, Telegram, Pinterest, YouTube, VK, RSS, Email, Print



Redakcija

Komentariši

Vaša email adresa neće biti objavljivana. Neophodna polja su označena sa *

Ime *


Email *

Web stranica

☐ Sačuvaj moje ime, email i web stranicu u ovom browseru za buduće komentare.

Objavi komentar

O nama



RTV Puls je Vaš izbor za kvalitetan radio i televizijski program. Prilagođavamo se Vašim interesima, nudeći dinamično iskustvo s svježim informacijama i raznovrsnom zabavom. Postani dio naše zajednice i uživaj u vrhunskim medijskim sadržajima!

Foto vijesti

Kontakt

Info telefon: +387 66 510-961
Email: redakcija@rtvpuls.ba
Email: direktor@rtvpulsbrcko.ba
Viber: +387 66 863-529
Whatsapp: +387 66 863-529

Kategorije

> Emisije	(131)
> Magazin	(5.270)
> Auto-moto	(185)
> Biznis	(840)
> Kultura	(128)
> Lifestyle	(724)
> Tehnologija	(619)
> TV & Film	(366)
> Zanimljivosti	(2.577)
> Sport	(1.844)
> Uncategorized	(129)
> Vijesti	(11.130)
> BiH	(3.070)
> Brčko	(1.417)
> Društvo	(3.086)
> Hronika	(1.161)
> Politika	(1.271)
> Region	(950)
> Svijet	(2.273)